

明

史

明文卷三百二

列傳五十三

劉儁

字毅保 劉昱

陳洽

李慶

文安 陳鏞

高士文

徐政 伍雲

李任

劉子輔 何忠 徐麒

琴

彭 陳汝石 陶李容

劉儁字子奇江陵人洪武十八年進士除兵主事歷

郎中遇事善剖決為太祖所器二十八年擢右侍郎

建文時為侍中成祖即位進尚書成祖嘗謂儁曰難

艱於任武職者多同名宜賜姓以別之儁請如洪武

故事編為勘合於是漠北人皆有姓永樂四年大征

塞南以儁忝贊軍務儁為人縝密勤敏在軍佐畫籌

策有功還受厚贖未幾簡定復叛傷復出叅贖沐晟
軍務六年冬晟與簡定戰生厥江敗績傷襲賊至大
安海口颶風大作揚沙晝晦且戰且行後軍不繼賊
圍之數重被執不屈罵賊死帝為輟朝賜賻及葬祭
皇太子諸王皆遣祭仁宗即位復賜祭贈少傅謚節
愍官其子奎為給事中與偁同死者呂毅劉昱毅項
成人以濟南衛百戶從成祖渡江積功至都督僉事
與同官黃中充左右副將軍佐征南將軍韓觀鎮廣
西尋與中將兵送故安南王孫陳天平歸國至芹站
天平被劫去並坐奪官帝薄毅罪起為鷹揚將軍從

張璠討林李輝有功嘗交趾都司事至是與賊戰深
木隘陣死昱戡城人自吏科給事中遷左通政出為
河南叅政改交趾嚴猛有治材吏民畏憚軍敗亦死
越其後叅政死事者又有侯保馮貴保贊皇人由國
子生歷知襄城頓榆博興三縣有善政交趾初設府
縣擇不撫綏以保知交州府遷右叅政永樂十八年
黎利反保以黃江要害築堡守之賊至力拒數月出
戰不勝死責武陵人舉進士為兵科給事中從張輔
征交趾督兵餉還奏其地富實產金珠遂擢交趾右
叅議提督金場交趾採金銀自此始尋遷左叅政雖

不能持廉然滋事明敏善撫輯流亡有土兵三千人
馳果善戰者撫之有恩數擊賊有功中官馬騏盡奪
之黎利反責以羸卒數百禦賊於瑰縣力屈而死仁
宗時尚書黃福言狀贈賁左布政使保右布政使

陳洽字叔遠武進人好古力學與兄濟弟浚並有名
洪武中以善書薦授兵科給事中等奉命閩軍一過
輒識面目記姓名有再至者輒叱去太祖嘉其能賜
金織衣一襲父茂五開沒洽將奔喪會五開變為變
道梗人止洽毋行洽不可卒冒險間行負父骨以歸
遂與津以茹端薦起復授文選郎中成祖即位擢吏

部右侍郎改大理卿永樂四年大軍討安南洽出贊
軍務主饋餉調土兵以益軍安南平轉吏部左侍郎
是時黃福兼掌布按二司事專務寬大拊循其民洽
甄拔才能振以風紀數將士功罪建置土官經理兵
食別決如流還朝命兼署禮部工部事七年復叅張
輔軍事討簡定平之還從帝北征與輔練兵塞外九
年復與輔往交趾討陳季擴居五年還朝進兵部尚
書復往贊李彬軍事仁宗即位召黃福還以洽掌布
按二司事仍叅軍務時中官馬騏暴征苛斂毒虐軍
民洽等不能制叛者四起黎利尤桀黠而榮昌伯陳

都督方政不相輯睦寇勢日張洽上疏言賊雖乞
降內懷竊詐黨與漸盛將不可制乞將帥速滅賊毋
為賊所餌宣宗為降初切責智等令進兵復敗於茶
龍州帝乃削智政官爵命成山侯王通佩將軍印討
黎利仍命洽贊其軍宣德元年冬師至應平之寧橋
臨沙河欲渡洽與諸將言地險惡恐有伏宜且駐師
覘賊通不聽麾兵徑渡陷泥淖中賊伏發官軍大敗
洽躍馬入賊陣創甚墜馬左右欲扶還營洽張目叱
曰吾為國大臣食祿四十年報國正在今日誠深痛
生乃援揮刀殺賊數人自刎死事聞帝歎曰大臣以

身殉國一代義人尋贈少保謚節愍官其子樞刑科
給事中

李慶字德孚順義人洪武中以國子生署都察院右
僉都御史後授刑部員外郎遷紹興知府永樂元年
召為刑部右侍郎性剛果有幹局馭下甚嚴成祖以
為才數命治他事不得時至部然屬吏與罪人交通
私饋餉慶輒知之繩以重罰五年改都察院右副都
御史兩遭親喪並奪哀視事時列侯都督多令家人
子弟行商中鹽為官民害慶言舊制四品以上官員
家不得與民爭利今都督蔡福等既以行罰公侯有

犯亦乞按問帝命嚴禁如制已而忻城伯趙彝擢殺
運夫盜責軍鉤都督譚青朱宗貪縱不法屢並論劾
遂下青詔獄彝崇法司論治已劾都督費璫欺罔梁
銘貪暴已又劾鎮守德州都督曹得贖貨忤被責由
是中外凜其風采十八年進工部尚書尋兼領兵部
事仁宗立拜兵部尚書加太子太保大理寺少卿弋
謙以言事忤旨呂震劉觀蹇義虞謙等交口詆之惟
屢與張原吉無言帝尋悟降勅自責並責震等震等
甚愧此兩人山陵事多趣辦中官有求屢執不與至
相抵牾不為動人多履憚之號為生李奉命侍皇太

子謁孝陵約未將士秋毫無擾於民太子欲獵亦屢
諫止遂留南京兵部宣德二年安遠侯柳升討黎利
慶恭贊其軍事奉詔擇部曹賢能者自隨所擇十數
人史安陳鏞與焉師入交趾連破賊柵至鎮夷關升
意殊輕賊未為憚安鏞言於慶曰柳將軍辭色皆驕
驕者兵家所忌賊或示弱以誘我未可知防賊設伏壘
者甚穢甚切公須力疾為將軍言之時慶已病甚強
起告升升不聽直前中伏敗沒慶病遂篤明日亦死
一軍盡沒安鏞皆死之安字志靜豐城人廉重好學
由進士授禮部匡事遷儀制司郎中鏞字叔振錢塘

人由庶吉士授祠祭司主事楊士奇稱其清介端確
表裏一出於正又有李宗昉者不知何許人亦以進
事從與安鋪皆死潘種者鄞人以後軍都事從嘗勸
柳升宜持重廣偵探引斧站寧橋事為戒升不聽對
敗種格鬪死

高士文咸寧人洪武中以小校從征雲南及金山有
功為燕山左護衛百戶為人質直剛果善騎射北平
兵起從戰大寧廣昌白溝夾河東平汶上數陷堅堠
登累進都督僉事永樂四年從張輔征交趾黎季犛
既禽餘黨竄木板源山谷才出沒為寇士文率所部

捕賊敗之廣源進圍其山寨晝夜急攻寨垂破賊突
出走士文追及與戰中礮死所部復追賊賊失巢竟
潰散他將至遠城賊朝廷念士文功追封建平伯令
其子福嗣食祿千三百石與世券福傳子遠遠傳弟
進進傳從子露露無子義子李繼宗詐為嗣事覺奪
爵遂絕士文死之明年交趾賊鄧景異攻盤灘守將
徐政死之政儀真人建文時為揚州衛副千戶燕師
至以城降景遷都指揮同知從征交趾奪賊船於三
帶江以濟大軍拔西都戰賊于關皆有功陳季擴反
盤灘裨最要張輔遣政守之賊來攻政與戰飛鎗貫

賜猶督兵力戰竟敗賊賊退腹潰而死自後將帥死
敵者有伍雲陳忠之屬雲定遠人以荊州護衛指揮
同知從征交趾破坡壘隘留多邦城拔東西二都皆
有功賊平調曷江衛仁宗初隨方政討黎利於茶籠
鼓勇陷陣死之忠臨淮人初為寬河副千戶以靖難
功積官指揮同知坐事戍廣西從軍交趾於簡招市
昇小舟入江劫黎季犛水寨破之從攻多邦城先登
論功還林官調交州左衛戰賊于關安謨海追賊奇
羅荷花海口及昆傳山忠咸有功進都指揮同知征
東潮州禽偽知院阮事及龍虎大將軍吳忠至是黎

利寇清化忠戰死仁宗憫之與雲守優恤如制當黎
利反出入三四年將吏死事者甚衆交趾布政使弋
謙疏聞於朝者凡十二人以李任為首

李任永康人以燕山衛指揮僉事從成祖起兵累功
為遼東都指揮同知宣德元年從征黎利守諒江賊
既獲都督蔡福令福至諒江招任降任於馬上罵福
曰汝為大將不能殺賊反為賊用狗彘不食汝餘發
礮擊之賊擁福去大集兵象飛車衝梯薄城環攻任
與指揮顧福率精騎盪擊燒其攻具賊又築壘臨射
城中鑿池道潛入城任福隨方禦之死守九月餘前

後三十戰糧竭刃盡賊乘城入猶率死士三戰三勝
之賊驅象大至任福不能支皆自刎死內官馮智指
揮劉順知府劉子輔俱自縊死城中軍民婦女不屈
死者數千人子輔廬陵人由國子生擢監察御史巡
按浙江性廉儉用法公平浙人德之按察使周新不
苟許與獨稱子輔為賢御史遷廣東按察使坐累左
遷諒江知府善撫循其民黎利他郡縣多陷惟子輔
與守將集兵民死守城破子輔曰郡亡吾亡義不污
賊刃即自縊死一子一妾皆死何忠字廷臣江陵人
由進士為監察御史廉慎不妄交與莫敢干以私承

樂中三殿災言事忤旨出為政平知州民安其政寧
橋之敗王通詭與賊和而請濟師於朝為賊所遮不
得達賊遣其頭目陳渭老奉表入謝通乃遣忠及副
千戶桂勝與偕行以奏還土地為辭實令請兵至昌
江內官徐訓泄其謀賊遂拘忠等不遣忠賦詩以死
自誓賊知忠賢數說誘令從已忠終不聽臨以白刃
忠瞑目罵不絕聲又以刃脅勝勝亦怒罵不屈忠父
子及勝同日被殺徐騏桂林中衛指揮使調征交趾
與南寧千戶蔡顥守丘温賊圍之久糧盡將吏多棄
城遁去顥與顥猶率所部固守城陷皆自縊死城中

人無一降者。易楚湘陰人。以國子生授諒山知府。有善政。歲滿還朝。郡人相率詣巡按御史乞留。御史以聞。詔進秩三品。令還任。賊破諒山。先自縊死。周安以指揮僉事守儋。入安黎利勢張。都督蔡福召諸將議曰。芻糧將盡。不如退。就東關。衆皆諾。千戶包宣遂以其衆詣賊降。安等趨東關。至富良江。為賊所感。俱陷。賊逼遣蔡福詣諸城說降。守將安憤甚。潛與衆謀伺官軍至。為內應。包宣覺之。以告利。利收安將殺之。安曰。吾天朝臣子。豈死賊手。與指揮陳麟躍起奪賊刀。殺數人。皆自刎死。所部九千餘人悉被殺。事聞宣宗。

數惠贈奪任為都督同知顧福劉順徐麟皆為都指
揮同知周安為指揮同知蔡顯為指揮僉事桂勝為
正千戶並冷其子孫承襲劉子輔易先為布政司叅
政何忠為府同知馮智為太監並予誥賜祭奠惟陳
麟以魯同朱廣開門納賊故贈恤不及已而黎利稱
臣歸蔡福恭廣等六人於京師盡棄市籍其家

琴彭交趾人永樂中以乂安知府署茶籠州事有善
政黎利反率衆圍其城彭拒守七月糧盡卒疲諸將
無援者巡按御史飛章請赦宣宗馳勅責榮昌伯陳
智等曰若等近奏黎利就撫俟涼秋之清化知府任

今已秋矣利果赴官否茶籠守彭被困孤城矢既無
貳而若等曾不援將何以逃責勅其急發兵解圍無
干國憲勅未至而城陷彭竟死之詔贈交趾左布政
使遣使諭祭厚恤其家送一子京師官之時交趾人
以忠節著者又有陳汝石陶季容陳汀汝石初為陳
氏小校大軍南征率先歸附積功至都指揮僉事永
樂十七年四忙土官車綿子等叛汝石從方政討之
深入賊陳中流矢墜馬與干戶朱多蒲皆死多蒲亦
交趾人事聞遣行以賜祭賻其家米布官為置塚季
容世為水尾縣土官王師下交趾以為水尾知縣用

破賊勅進歸化知州久之遷宣化府同知守北關堡
宣德元年遣所部阮執先等追黎賊至清波縣為賊
所獲既而遣還令與縣丞黃杓珠招季容杓珠等脅
以兵不為動宣宗聞之即擢宣化知府璽書嘉勞賊
後遣人招誘季容執其人送沐晟所而導官軍至水
鹿與賊將阮午等戰敗之會王通桑交趾季容義不
從賊乃率官屬入朝陳汀者古雷縣千夫長也數從
方政擊賊有功政信任之王通棄地汀憤恨北行為
賊所得賊壯其為人授以官令守交州東關汀誓不
降賊挈其家九十餘人從間道出走賊追之家屬盡

隋惟汭得入欽州帝嘉其義以為指揮僉事厚賚之
又有諒山土官阮世寧七源州土官阮公庭各率所
部避難來歸乞居龍州凍州之地帝命如意撫恤資
糧器用皆官為給之

論曰交趾入版圖踰二十年反者數起成山安遠敗
績日聞廟議卒從珠厓之棄然後中國始得休息而
前後將吏之墮身鋒刃者不知其幾矣如劉儻陳洽
諸人迹其所以死或不同其志節均有足悲者馬要
之坐鎮反側務在得人長子帥師安可參之宦豎叢
爾安南任黃福則治用馬騏則亂張輔異閩奇則勝

小壽參軍謀則敗諸臣之不幸抑亦有國者用舍之
明鑒也彼陶李容陳汀雖非死事以南交種類顧能
乃心王室足以愧夫蔡福朱廣革之屈節賊庭身膺
頸戮者故並附著之云

吳允誠

子晉者

薛斌

弟

責金

忠

蔣信

李

賢

勝全順

吳成

李

英

從子文

毛

勝

焦禮

毛

忠

和

勇

蘇東忠

吳允誠蒙古人名把都帖木兒居甘肅塞外塔溝之地官至平章永樂三年合其黨倫都兒反率妻子及部落五千馬駝萬六千因宋晟來歸帝喜賜姓名授右軍都督僉事倫都兒反亦賜姓名柴秉誠授後軍都督僉事餘授官賜冠帶給高產鈔幣有差使領所

部居涼州耕收嚴以招徠功封西寧侯自是降附者
益衆邊境日安由允誠始七年往亦集乃覘敵擒哈
刺等二十餘人進都督同知明年從出塞敗本雅失
里進右都督尋進左都督與中官王安進湖脫赤至
把力河獲之封恭順伯食祿千二百石予世券允誠
三子答蘭管者克勒允誠與二子從軍留其妻及管
者居涼州韃靼可汗鬼力赤遇弒其下多潰答蘭與
別立哥請出塞自効有功別立哥者東誠子也允誠
妻在涼州著人虎保等為亂誘脅允誠之衆欲叛去
允誠妻與管者謀召部將都指揮保柱卜顏不花等

擢其黨誅之以聞帝喜降勅獎之賜銀鈔羊米甚厚
授管諸指揮僉事保任等皆有賜帝征瓦剌克誠父
子皆從師還命仍居涼州備邊克誠卒贈邵國公謚
忠壯命答蘭漢名克忠襲其爵再征阿魯台從行三
征阿魯台復從兄弟皆有功洪熙元年以戚里恩克
忠進侯時管者已積功至都指揮同知亦封廣義伯
克忠常克副總兵巡邊正統九年統兵出喜峰口征
兀良哈有功加太子太保英宗北征至土木遇敵克
忠與其弟都督克勤子瑾為後拒寇來出不意驟戰
不勝敵兵據山出飛矢石如雨官軍死傷略盡克忠

下馬射矢竭猶斬殺數十人遂與克勤俱歿於陣贈
祁國公謚忠勇克勤贈遵化伯謚僖敏瑾被執逃歸
嗣侯英宗嘗欲使瑾守甘肅辭曰臣塞外人若用臣
守邊恐外商輕中國帝善其言乃止曹欽反瑾與從
弟琮聞變椎長安門上告門閉欽攻不得入遂縱火
瑾將五六騎與欽力戰死贈涼國公謚忠壯子世侯
三傳望曾孫總督嘗守備南京傳子汝清孫惟英與
總督府總督京營戎政崇禎末都城陷汝清弟勳衛
汝微偕妻女投繯死管者卒子玘嗣管者妻早歿亦
有智略嘗親入朝獻其良馬朝廷多其忠玘卒管者

弟克勤子琮嗣鎮守軍長成化四年滿四反琮坐激
變且臨陣先退下獄論死誦成達爵除

薛斌蒙古人本名脫歡父薛台洪武中歸附賜姓薛
累官燕山右護衛指揮僉事斌嗣職從起兵累遷都
督僉事從北征有功進同知永樂十八年封永順伯
祿九百石世指揮使斌卒子壽童方五歲從父貴引
見仁宗立命嗣伯賜名綬長號勇善戰正統十四年
鞏興成國公朱勇等遇寇於鷄兒嶺軍敗弦斷矢盡
綬猶持空弓擊賊賊怒走解之既而知其本蒙古也
由此吾同類宜勇健若此相與哭之謚武毅子輔孫

敷並得嗣伯勳子璽乃嗣指揮使如券文貴本名脫
火赤斌之弟以舍人從燕王起兵屢脫王於險積官
都指揮使再從北征進都督僉事永樂二十二年封
安順伯祿九百石宣德元年進侯加祿三百石子世
芬卒贈濱國公謚忠勇無子從子山嗣為指揮使天
順改元以後辟思命山子忠嗣伯卒子瑤嗣弘治中
卒子昂降襲指揮使

衾忠者蒙古王子也先土千也素桀黠為阿魯台所
忌永樂二十一年太宗親征漢北至上莊堡遂率妻
子部屬來降時六師深入寇已遠道帝方恥無功見

其來歸則大善賜姓名封忠順王賜冠帶織金襲衣
命坐列侯下轅御前珍羞賜之復賜金銀寶器忠大
喜過望既班師在道忠騎從數間寇中事眷寵日隆
明年忠請為前鋒討阿魯台自劾帝初不許會大同
間平孽報至諸將請從忠言帝復出塞忠與陳懋為
前鋒而阿魯台聞王師復出倉皇渡荅蘭納木兒河
遁去忠懋進至河不見寇抵白切山卒無所遇乃班
師仁宗嗣位加太子太保並支二俸宣德三年車駕
親征兀良哈敗寇於寬河忠與把台請自劾帝許之
或言不可遣遣必不還帝曰去留亦任所欲耳朕有

天下獨少此二人耶已而二人獲數十人馬牛數百
來獻帝喜命中官酌以金卮遂賜之明年加太保六
年秋卒命有司治喪葬祀台者忠之甥從忠來降授都
督僉事宣德初賜姓名蔣信正統中封忠勇伯從駕
陷土木也先使隸賽罕王帳下信雖居朔漠志常在
中原每詣上皇所恸哭擁衛頗至已而竟從駕還詔
獲給其祿景泰五年卒贈侯謹傳順子也兒索忽襲
爵天順初更名善弘治中卒無子爵絕

李賢初名丑驢韃靼人元兵部尚書洪武二十六年
來歸通譯書太祖賜姓名授燕府紀善侍燕世子最

恭勤靖難師起有勞績累遷都指揮同知凡塞外表
奏及朝廷所降詔勅皆命賢潤譯賢亦屢陳所見成
祖皆採納之仁宗即位念舊勞進後軍都督僉事賜
賚甚渥尋召見憫其病遂封忠勤伯食祿千一百石
尋卒時降人先後封者又有滕定金順定父瓚任元
樞密知院洪武中來降授會州衛指揮僉事賜姓滕
從燕起兵進燕山右衛指揮使卒定嗣官屢從出塞
有功進至都督僉事宣德四年封奉化伯祿八百石
正統初卒子福嗣為指揮使順本名阿魯哥失里永
樂中來降授大寧都指揮僉事從敗本雅失里又敗

阿魯台累進都督僉事宣德三年從巡北邊有新捕
功明年封順義伯祿八百石卒子忠嗣為指揮僉事
吳成遼陽人初名買驢父通伯元遼陽行省右丞太
祖時魏童來降通伯父子與俱買驢更今名克總旗
從大將軍出塞數有利建文元年授永平衛百戶降
燕從戰真定大寧鄭村壩廣昌白溝河館陶皆有功
戰夾河葉城西水寨功復最即軍中三遷都指揮僉
事至是始知名南軍聞吳買驢名多於陣上指目之
殺伏肥河再破敵進兵小河合戰齊眉山攻敗靈壁
軍皆殊死鬪功多克淮揚渡江入金川門燕王稱帝

授都指揮使從征本雅失里疾戰本雅失里以七騎
遁從征阿魯台合朱榮兵為前鋒追至濶灣海召還
進都督僉事又三從出塞洪熙元年進左都督從陽
武侯薛祿征火松嶺為前鋒有功增祿米宣宗即位
以成著宿衛東宮錄舊勞封為清平伯祿千一百石
予世券漢庶人高煦反復與陽武侯祿為前鋒事定
出守備興和成好田獵而不修武備寇伺其出獵猝
入城掠其妻孥以去帝聞之置不罪已而阿魯台入
貢還其家口宣德三年帝北征從敗賊於寬河進侯
祿如敵宣德八年卒贈梁國公謚壯勇子忠前死忠

子英嗣伯卒子璽嗣坐貪淫奪爵久乃復之卒無子
從弟琮嗣四傳至玄孫遵周崇禎末京師陷被殺
李英西番人父南哥洪武中率衆歸附授西寧州同
知累功進西軍衛指揮僉事英嗣官永樂十年番酋
老的罕叛英擊之討來川俘斬三百六十人夜雪賊
遁英追躡盡獲之進都指揮僉事有番僧張答里麻
者通譯書成祖信之授左覺義居西寧驕蹇放恣西
番貢使出其地者必以計傾取其資納逋逃交通外
域肆惡十餘年英發其事被磔死籍其家西垂快之
成祖末年遣中官喬來喜鄧成等使西域道經安定

曲先遇賊見殺掠所齎金幣仁宗璽書諭赤斤罕東
及安定曲先器賊主名而勅英與土官指揮康壽等
進討英詞知安定指揮哈三孫散哥曲先指揮散却
惠實殺使者遂率兵西入賊驚走英追擊踰崑崙山
深入數百里至雅令濶與安定賊遇大敗之俘斬千
一百餘人獲馬牛雜畜十四萬曲先賊聞風遠遁安
定王桑爾加失夾等懼躬詣闕謝罪宣宗嘉英功遣
使褒諭宴勞之令馳驛入朝既至擢右府左都督賜
賚加等宣德二年封會寧伯祿千一百石并封南哥
如子爵英恃功而驕所為多不法寧夏總兵官史昭

奏英父子有異志南哥上章辨賜勅慰諭之英家西
寧招逋逃七百餘戶置莊墾田豪奪人產復為兵部
及言官所劾帝宥英但追逋逃者入官七年西寧指
揮祁震子成常襲父職庶兄監藏英甥也欲奪之成
從祖太平攜成赴京辨英遣人篡取太平及其義兒
杖之義兒竟死言官交劾并及前罪遂下英詔獄奪
爵論死正統二年始釋後稍給其祿尋卒英宗復辟
官其子秉錦衣指揮同知尋進都指揮使用薦擢左
軍都督僉事屢分典營務以嚴慎稱英從子文宣德
間為陝西行都司都指揮僉事西番思俄可嘗盜他

部善馬都指揮穆肅求之不得會思俄可以畜產鬻
於邊肅誣以盜收掠致死番人惶駭思亂文劾之逮
肅下吏西垂以寧累官都指揮使天順元年冒迎駕
功進都督僉事未幾以右都督出鎮大同寇二千餘
騎犯威遠文率師敗之封高陽伯石亨敗革奪門冒
功者官文自首帝以守邊不問四年秋亨來大舉入
寇文按兵不戰遂入雁門大掠忻代諸州京師震恐
寇退徵下招獄論斬帝愾文死降都督僉事立功延
綏既而進都督同知成化中哈密為土番所併求
救於朝詔文與右通政劉文往甘肅經畧之無功而

選弘治初卒正德初贈高陽伯

毛勝字用欽初名福壽元右丞相伯卜花之孫伯父
那海洪武中歸附以靖難功至都指揮同知無子勝
父安太嗣為羽林指揮使傳子濟無子勝嗣論濟征
北劫進都指揮使嘗逃歸塞外尋獲自還正統七年
以從征麓川功擢都督僉事靖遠伯王驥請選在京
藩將舍人捕苗雲南乃命勝與都督冉保統六百人
以往已而再征麓川即命二人充左右叅將賊平進
都督同知十四年薨也先謀入寇勝偕平鄉伯陳懷
等率京軍三萬鎮太同懷遇寇戰沒勝脫還以武清

伯石等薦景帝進勝左都督督三千營標練貴州苗
大擾詔勝往討未行而也先逼京師勝禦之彰義門
北擊退之越二日引兵西直門外解都督孫鏗圍明
日都督武興戰沒於彰義門寇乘勝進勝與都御史
王竑急援之寇遂引却勝追襲至紫荆關頗有新獲
事定乃命以左副總兵統河間東昌降夷赴貴州時
賊首韋同烈據香爐山作亂勝與總兵梁珪右副總
兵方瑛等從總督王來分道夾擊勝進自重安江大
破之會師山下環四面攻之賊勢窘縛同烈出降還
討湖廣巴馬諸處及賊克二十餘寨禽賊首吳奉先

等百四十人斬首千餘級封南寧伯子世券疏請更名從之移鎮騰衝金齒芒市長官刁放革潛結麗川遺孽思卜於謀為變勝設策禽之巡按御史牟倬劾其貪暴不法數十事且言勝本降人狡猾難制今又數與外夷通恐貽遠患詔雲南巡撫官覈實卒置不問天順初卒贈侯謚莊毅子榮嗣坐石亨黨發廣西立功成化初命鎮貴州尋移鎮兩廣卒子文嗣弘治初協守南京傳爵至明亡乃絕

焦禮字尚邨蒙古人父把思台洪武中歸附為通洲衛指揮僉事子勝嗣傳子義榮無子以勝弟謙嗣累

功至都指揮同知卒子管失奴幼諫弟禮借襲其職
併禦遠東宣德初禮當還職宣宗念禮守邊勞命居
職如故別授管失奴指揮使禮尋以年勞累進都指
揮同知正統中積功至右都督英宗北狩景帝命充
左副總兵守寧遠未幾也先遁京城詔禮率師入衛
寇退還鎮景泰四年賊二千餘騎犯興水堡禮將兵
擊走之墮書獎勵進左都督英宗復辟以禮守邊有
功召入覲封東寧伯世襲賜賚甚厚道還鎮兵部以
禮年垂八十不可獨任奏遣都指揮鄧鐸協同守備
居無何禮奏鐸欺侮請更調帝命都指揮張俊代鐸

天順七年卒於鎮贈侯謚襄毅禮有膽畧精騎善射
以寡擊衆守寧遠三十餘年士卒樂為用達陟寧謚
孫壽嗣爵卒無子弟俊嗣成化末歷鎮甘肅寧夏弘
治中掌南京前府兼督操江出鎮貴州湖廣俊少事
商販既貴能下士而折衝非所長卒于淇嗣嘗分典
京營正德中納賄劉瑾得出鎮兩廣踰年卒弟洵嗣
洵雖嗣爵先業盡為洪妻所有洵貧甚恆鬱鬱生母
卒無以葬哀憤得疾卒無子以再從子棟嗣嘉靖中
提督五軍營兼掌中府踰十年改總兵湖廣卒贈太
子太保謚莊愷子文耀嗣卒子夢熊嗣嘗協守南京

掌軍府明亡爵絕

毛忠字光誠初名哈喇西陲人曾祖哈喇互洪武初
歸附起行伍為千戶戰沒祖拜都從征哈密亦戰沒
父寶以號悍選充總旗至永昌百戶忠襲職時年二
十精力絕人善騎射嘗從太宗北征宣德五年征曲
先叛寇有功八年征亦不剌山禽偽少師知院九年
出哨脫歡山十年征黑山寇皆禽其酋各進一官歷
指揮同知正統三年從都督蔣青征朵爾只伯先登
陷陣大獲擢都指揮僉事十年以守邊勞進同知始
賜姓明年從總兵官任禮收捕沙州衛都督喃哥部

落樵之塞內進都指揮使十三年率師至罕東生繫
喃哥弟偽祁王鎖南奔并其部衆權都督僉事始賜
名忠尋克右叅將協守甘肅景泰初侍郎李實奉使
漠北還言忠數遣使通瓦剌詔執忠赴京既至于謙
等極論其罪請置大辟景帝不許謙等復言即不誅
宜賤其官發福建立功景帝乃遣之福建而官秩如
故令甘肅守臣徙其家屬京師初忠之征沙州也獲
番僧加失領真以獻英宗赦不誅後逃之瓦剌為也
先用憾忠欲隔之遂宣言忠與也先交誼而朝廷不
知也英宗在塞外獨知之比復辟即召還而忠在福

達亦委有新誠功乃擢都督同知充左副總兵鎮守
甘肅陞見慰諭甚至賜玉帶及織金蟒衣天順二年
寇大入甘肅巡撫芮劄劾奏諸將失事罪部議忠功
足贖罪置不問三年以鎮番破賊功進左都督五年
宇來以數萬騎分掠西寧莊浪甘肅諸道侵入涼州
忠屢戰一日夜矢盡力疲賊來益衆軍中皆失色忠
意氣彌勵拊巡將士復殊死鬪賊見終不可勝而我
援軍亦至遂解去忠竟全師還七年諸番族居永昌
涼州莊浪塞外者屢為邊患忠與總兵官衛穎分討
之忠先破巴哇諸大族其背啞馬吉思諸族他將不

能下者忠復擊破之論功忠止增祿百石而穎乃得
世券忠以為言遂封伏兔伯成化四年固原賊滿四
據石城反詔忠移師討之既至與總督項忠等分道
夾攻賊巢忠由木頭溝直抵砲架山下多所斬獲賊
稍平忠冒矢石先登遂連奪山北山兩峰而項忠
諸軍亦克山之東峰及石城東西二門賊大窘相對
哭忽昏霧起他哨舉烟掣軍賊遂併力攻忠忠力戰
不已為流矢所中卒年七十五從子海孫愷前救忠
亦死忠為將嚴紀律善撫士其卒也西陸人予哭者
相望於道第聞贈侯謚武勇予世券弘治中從有司

言建忠義坊於蘭州以表其里又從巡撫許進言建
武勇祠甘州城東春秋致祭孫銳襲伯爵成化中協
守南京弘治初出鎮湖廣改兩廣平蠻賊累有功成
璽書獎勵九年以廣西破賊增歲祿二百石言官劾
銳廣置邸舍私造大舶以通番商孝宗置不問恩
土官岑濬反與總督潘蕃討平之既又討平賀縣種
賊加官至太子太傅正德三年劉瑾欲殺尚書劉大
夏坐以處置田州事失宜并逮銳下詔獄獄具革其
加官并歲祿五百石已而納賄於瑾起督漕運踰年
瑾誅被劾罷六年盜劉宸等擾畿甸命銳與中官谷

大用討之所統京軍皆驕惰不習戰明年正月銳遇賊於長垣與戰大敗身被傷亡其將印會許泰援軍至僅免言官交劾乃召還以與大用全事竟不罪也世宗即位復起鎮湖廣居三年卒贈太傅謚威襄傳子江及漢漢嘉靖中掌南京右府提督操江改總督漕運未上給事中楊上林劾其所至貪墨詔褫職逮問卒無子從子桓嗣卒子登嗣萬曆中掌中軍府事

垂二十年又再傳而明亡

和勇初名脫脫字羅和寧王阿魯台孫也阿魯台既為瓦剌脫歡所殺子阿卜只奄窮蹙款塞來歸宣宗

授以左都督賜第京師卒勇襲指揮使帶俸錦衣衛
積功至都督僉事天順元年詔加同知賜姓名久之
以兩廣多寇命克遊擊將軍統降夷千人往討時總
兵顏彪無將畧賊勢愈熾會廣西巡撫吳禎殺降冒
功得優賞彪效之亦殺平民報捷朝命進彪官勇亦
進右都督既而師久無功言官劾文武將吏之失事
者詔停勇俸克為事官成化改元趙輔韓雍征大藤
峽賊詔勇以所部從征其冬賊大破進左都督增祿
百石三年召督效勇營訓練尋上言大藤峽之役臣
與趙輔同功輔還京餘賊復叛臣親搗賊巢繫其魁

誅其黨遂被掠男女四千人今輔已封伯而臣止進
秩惟陛下憐察憲宗以勇再著戰功特封靖安伯十
年卒謚武敏世襲指揮使勇世廉謹在兩廣時諸將
多營私漁利勇獨無所取時論多之同時有羅東忠
者初名克羅俄領占沙州衛都督僉事因即來子也
克喃哥既襲父職英宗復命東忠為指揮使協理衛
事既而喃哥卒千二百人內徙詔居之東昌平山二
衛給由廬什器所以撫恤甚厚喃哥卒東忠為都指
揮使代領其衆英宗蒙慶塞上多警朝議恐降人乘
機為變欲徙之南方會貴州苗亂都督毛福壽南征

即擢秉忠都督僉事率所部隨軍援勦積戰功至左
都督天順初始賜姓名曹欽之反番官多從之者東
忠亦坐下獄籍其家久之上章自辯乃得釋成化初
尚書程信討山都掌蠻秉忠以游擊將軍從既抵永
寧兵分六道東忠由金鷲江進大破之論功封順義
伯十六年卒謚榮壯子孫世指揮使

論曰唐室蕃將之功多表著於世書傳盛稱其質諒
有餘事君一無顧望若允誠諸人殆其儔與而至恭
順之殉主伏羗之死綏忠義凜然尤有足多者焉則
孰謂外夷之類無人也

明史卷二百四

列傳五十五

王驥

蔣貴

任禮

趙安

王驥字尚德東鹿人永樂四年進士為兵科給事中使山西奏免鹽池逋課二十餘萬遷山西按察司副使洪熙元年入為順天府尹宣德初擢兵部右侍郎代顧佐署都察院事七年兵部尚書閔命驥署之居二年乃命為尚書正統元年奉詔議邊事越五日未奏英宗怒執驥與侍郎鄧瑩同下獄尋得釋二年阿台朶兒只伯數寇甘涼邊將屢失利朝廷已遣侍郎

柴車徐晞都御史曹翼整飭邊務猶不能制復議遣
大臣經畧之乃命驥出視師許便宜行事驥疾驅至
軍中大會諸將問將校往時追敵魚兒海先退敗軍
令者為誰曰都指揮安敬先是敬已為廷臣所劾驥
陛辭承密旨戮敬責都督蔣貴死罪狀至是遂縛敬
斬轅門顧貴曰汝為大將引退亦當死姑貸汝立功
自贖於是諸將股慄莫敢仰視驥遂大閱將士分兵
畫地使諸將各自防禦邊境肅然杞禿宇羅寇莊浪
道都指揮魏榮與戰破擒其部落以歸閔甘涼軍汰
冗弱三之一又定為更番法兵為休息而轉輸亦省

還報命俄而阿台復入寇帝以任禮為平羌將軍蔣
貴趙安副之命驥往督軍至則遣貴為前鋒直搗狼
山而驥與任禮等分率大軍為後繼與貴約曰遇敵
不捷無相見也貴過於石城擊走之復帥精騎兼行
追及大敗之得其左丞脫羅及裨將百人斬首三百
餘獲金銀璽印各一駝馬兵甲千計阿台朶兒只伯
率數騎遁驥與任禮兵至梧桐林得樞密同知僉院
十五人萬戶二人降其部落窮追至黑泉而還右軍
趙安等出昌寧至刁力溝得右丞達魯花赤三十人
駝馬甲兵稱是捷聞貴禮安皆封伯而驥以兵部尚

書兼安大理寺卿俸尋召還理部事久之麓川之役起麓川宣慰使思任發叛數敗王師廷議遣官招諭而中官王振方用事喜功名驥知振意所勸力主用兵振大悅遂絀廷議六年春拜蔣貴為平蠻將軍李安劉聚副之驥總督軍務大發東南諸道兵十五萬討之頒行賜驥貴黃金兜牟紉鎧蟒繡緋衣朱弓矢驥馳傳至雲南部署諸將遣叅將冉保等由東路趨孟定大軍由中路至騰衝腹背夾擊驥遂與蔣貴以二萬人趨上江合諸軍攻之賊堅守不下會大風縱火焚柵乘勢力攻斬首五萬餘級拔上江寨進自夾

象石渡下江至騰衝長驅抵木龍山賊乘高據險築
七壘相救驥遺宮聚劉聚分左右翼緣嶺上攻而自
將中軍橫擊之遂連破七寨進搃其巢山崗陡絕深
壑環之一而傍江不可上賊從間道立柵馬鞍山出
大軍後驤戒軍中毋動而令都指揮方瑛以輕兵六
千馳入賊砦突擊斬首數百賊復驅象陣蹂官軍軍
佯却復前殊死鬪敗之而冉保等已從東路合木邦
車里大侯諸土軍破烏木弄憂邦諸寨令人守西我
凌阻賊竄道刻日會師驤乃益造攻具令諸將分門
而軍百道環攻會西風大作積薪舉火烟焰漲天死

者無算思任發携二子走益養老弱滿江死者數萬
獲虎符金牌及諸衛所印章三十有奇犂其巢穴留
兵守之而還時維摩土司韋郎羅僭稱廣西王帝命
移師討之驥曰此不足血吾刃也遣偏師壓賊境言
尚書大軍且至賊驚潰俘其妻子常郎羅走安南即
傳檄且入安南追賊安南人大懼縛之來獻廣南富
州土司儂即與沈正交惡搆兵十餘年驥移文諭之
立解明年師還帝遣戶部侍郎王質齎羊酒迎勞數
百里外既入見賜宴奉天門封推誠宣力武臣特進
榮祿大夫上柱國靖遠伯歲食祿千二百石予鐵券

世襲指揮同知賜貂蟬冠玉帶貴亦進封定西侯驥
自是以勲爵奉朝請不預兵部政矣思任發既竄緬
甸其子思機發復率餘衆居者藍奏乞入朝謝罪廷
議因而撫之王振不可乃復命驥總督軍務鎮守雲
南率恭將冉保毛福壽以往未至而思機發遣弟招
賽奉貢緬甸亦奏獲思任發要麓川地朝廷不納其
貢而赦驥竝圖緬甸驥因請濟師於是復命得貴為
平蠻將軍調土兵五萬往討發卒轉餉五十萬人先
是驥移檄緬甸令送思任發緬人陽聽命終持兩端
八年冬大軍進逼緬甸緬人潛以樓船載賊覘官軍

驥以引軍進次騰衝分軍為五約人擁衆大至驥宣
言使聽犒而貴將以兵焚其舟緬人潰驥念思機發
不破則緬人有後慮必不肯致賊於我遂趨者蓋搃
思機發巢破之思機發脫身走得其妻子部落立隴
川宣慰司明年驥還朝加祿三百石往寧夏甘涼巡
邊十年緬人竟以思任發來歸為千戶王政所誅而
思機發兇暴益甚教入寇總兵沐斌輒敗之王振猶
未悔必欲盡滅其種於是僣以驥為總督宮聚為平蠻
將軍張軌田禮副之帥師十五萬直抵金沙江賊立
樹兩岸官軍造浮橋以渡破之賊又立柵於鬼哭山

巔驥縱火連破其十餘寨墜岸谷死者以萬計而竟不能得思機發當是時官軍踰孟養至孟邠海其地在金沙江西去麓川千餘里諸蠻見大軍皆震怖曰自古漢人無渡金沙江者今王師至此豈天威耶師欲還蠻衆復擁思任發少于思陸據孟養驥知賊終不可滅乃與思陸約立誓金沙江上誓曰石爛江枯爾乃得渡思陸亦懼而聽命乃班師議者頗咎驥等老師費財以一隅騷動天下而會川衛訓導詹英抗疏言驥等多役民夫昇絲繒散諸土司以邀厚利擅用腐利詭言進御實克私役師行無紀十五萬人一日

起行互相蹂踐又每軍負米六斗跋涉山谷自益者
多師抵金沙江傍惶不敢渡既渡縮朒不敢攻攻而
失都指揮路宣程亨等俱賊解散多捕魚戶為賊俘
以地分木邦緬甸掩收為功此何異李宓之敗而楊
國忠以捷聞也秦下法司王振左右之僅停獎勞而
己當是時湖廣貴州諸苗所在蜂起圓平越及諸城
堡貴州東路閉絕驥等擁歸師民遮道陳訴驥曰吾
受命征麓川不受命殺苗也去之苗前後截擊死亡
數萬驥至武昌有詔還軍討苗會英宗北狩羣臣劾
王振并及驥以驥方在軍且倚之平苗置弗問命驥

佩平蠻將軍印。克總兵官侍郎侯進總督軍務。已而
苗益熾。衆至十餘萬。平越被圍。半歲。巡按御史黃鎬
誓衆死守。糧盡。掘草根食之。而驥頌軍辰沅不進。鎬
乃草疏置竹筒中。募人自問道出。聞於朝。更命保定
伯梁瑤為平蠻將軍。益兵二萬人。侯進自雲南督之。
而前疾力戰。大破賊。盡解諸城圍。而驥亦俘剗平王
苗。竄富等以獻。加歲祿百石。予世伯。券命總督南京
機務。南畿。素習偷惰。戎務廢弛。驥至。一以所馭軍法
教之。于謙弗重也。因其請。老解其任。奉朝請。帝雖罷
驥。而內猶嚴之。時禁私役。聞人惟黔國公寧陽侯得

留四人驥獨留六人是時驥年且八十雖馬食肉減
繫伎如故久之石亨徐有貞等奉英宗復辟驥與有
力馬已而賞稍後驥上章自訟言臣子祥方入南城
為諸將所擠墮地幾死今論功不及疑有敬之者帝
優詔褒答官祥為指揮僉事命驥仍兵部尚書理部
事加號奉天翊衛推誠宣力守正文臣光祿大夫餘
如故數月請老又三年乃卒年八十三贈靖遠侯謚
忠毅傳于瑞及孫添添尚嘉善長公主再傳至孫瑾
嗣嘉靖初提督三千營已而協守南京兼南右府還
掌左府久之佩征蠻將軍印鎮兩廣先是廣東新寧

新興恩平間多高山叢菁奸民亡命者輒入諸徭中
吏不得問久之衆至萬餘人流劫高要陽江諸縣官
軍討之輒敗三十五年春瑾與巡撫都御史談愷檄
諸路土兵進勒斬其魁陳以明悉平諸巢捷聞加太
子太保而是時扶藜葵梅諸山洞賊馮天恩等據險
為寇者亦數十年瑾復督軍分道進勒破巢二百餘
獲以功廢一子錦衣百戶言官劾其暴橫召還爵傳
至明亡乃絕詹英者貴州人由鄉舉除訓導書既奏
卽命從驥軍自劾英知往必獲罪匿不赴己而詩闕
言情詔許還任轉河西教諭卒

蔣貴字大富江都人以燕山衛卒從燕王起兵積功
至昌國衛指揮同知從征交趾及沙漠遷都指揮僉
事掌彰城衛事宣德二年四川松潘諸蕃叛貴克石
叅將從總兵官陳懷討之募鄉導絕險而進薄其巢
賊大驚一日十數戰大敗之論功進都指揮同知鎮
守密雲七年復命為叅將佐陳懷鎮松潘明年進都
督僉事克副總兵協方政鎮守又明年諸蕃復叛政
等分道進討貴督兵四千攻破任昌大寨會都指揮
趙得官聚兵以次討平龍溪等三十七寨斬首一千
七百級殺崖墜水死者無算捷聞進都督同知克總

兵官佩平蠻將軍印代政鎮守其地正統初召還為右都督會阿台寇甘涼遣將告急乃命貴佩平虜將軍印移師討之賊犯莊浪貴遣都指揮江源往禦源戰死亡士卒百四十人為侍郎徐晞所劾朝議以貴方選軍甘州勢不相及而莊浪正晞所統貴晞委罪置貴不問明年春謀報寇駐賀蘭山後詔貴與都督趙安率兵出寨貴至魚兒海用都指揮安敬言以前逸無水草引還都御史羅亨信上章言狀朝廷乃遣尚書王驥出視師斬敬責貴立功貴益奮厲破敵狼山之捷貴窮追抵石城泉斬首二百餘級盡獲其馬

脫衣械阿台驚遁已而謀知敵巢所在責將精騎二千五百人為前鋒深入襲敵副將李安沮之責拔劍厲聲叱安曰敢沮軍者死遂出鎮夷關疾馳三日夜至兀魯乃阿台之衆乞牧馬責猝入馬羣令諸軍以鞭擊弓韜驚馬馬盡奔佚敵既失馬乃挽弓步鬪貴縱騎蹂擊遂大敗之俄分軍為兩翼別遣百騎乘高捷之與賊遇轉戰百餘里阿台朶兒只伯以數騎遁走西邊悉平捷聞遣中官齎金帛宴勞封定西伯食祿一千二百石給券世襲四年代任禮鎮甘肅六年命克總兵官佩平蠻將軍印征麓川蠻思任發與王

驥帥師抵金雷分三路進先令左右軍乘虛夾攻而
貴與驥直搗上江寨賊堅守四面矢石俱下官軍因
風縱火貴賈勇先登賊衆大潰斬首五萬餘級江流
盡赤進破木籠山七寨又破馬鞍山象陣貴功皆第
一師還帝親慰勞御奉天門論功進封定西侯食祿
千五百石八年復與王驥討思機發緬人數報送賊
至而潛以船載賊距貴營五十里不進貴曰此紿我
也過江則絕我歸路且犂發不可老我師於是誘緬
人受賞而密縱火焚其舟大戰一晝夜盡俘其妻孥
象馬破壘二百變寇遂平師還賞賚甚渥加歲祿五

百石是役也。貴子稚乘敵敗，率官軍三十人進殺，深入敵柙。其後自刎，沉於江。贈懷遠將軍、彭城衛指揮使。十四年，貴卒年七十，贈涇國公。諡武勇。貴起卒伍，目不識字，然天性朴實，忘己下人，能與士卒同甘苦。出境討賊，衣糧器械常身自糞負，不從一人。臨陣，輒身先之，以故所向有功。子義病不能嗣，以義子琬嗣。侯天順末，佩平羌將軍印，總兵甘肅、築甘州、沙河諸屯。堡成化八年，召還，協守南京。兼督操江。十年，入督十二團營。十二年，兼總神機營兵。上言：太祖肇建南京，京城外復築土城以衛居民，誠萬世之業。今北京但

有內城己巳之變敵騎長驅直薄城下可以為鑒今
西北隅故址猶存亟行勸募之令濟以工罰成功不
難又言大同宣府諸塞下腴田無慮數十萬悉為豪
右所占畿內八府良田半屬勢要之家細民失業脫
使邊關有警內郡何資運道或梗京師安給請遣給
事御史按覈塞下田疇其科額畿內民田嚴戢豪右
毋得侵奪庶民兵足食而內外有備章下所司雖不
盡行時論避之十三年帥京軍防秋大同宣府陳機
宜十餘事皆報可十五年偕汪直按遼東邊事二十
年佩將軍印出塞邊寇寇退班師累加至太保兼太

子太傅卒贈京國公諡敏毅子驥嗣典京營兵弘治
中充總兵歷鎮薊州遼東湖廣官中外二十年家無
餘貲正德初再傳至孫傳嘉靖中累典軍府佩征蠻
將軍印鎮兩廣以平海賊及慶遠徭功加太子太保明
亡爵絕

任禮字尚義昭漳人以燕山衛卒從成祖起兵積功
至山東都指揮使永樂二十年擢都督僉事從北征
使前行偵敵還受厚賚仁宗即位簡掌廣西都司事
尋改遼東宣宗立進都指揮同知從平漢庶人又從
征兀良哈還為復拒英宗立進左都督正統元年佩

果羗將軍印亮左副總兵鎮甘肅阿台朶兒只伯所
部數犯肅州璽書譙讓已後入犯禮賢軍禦之俘斬
百餘人尋與蔣貴等出寨並無功三年以總兵官從
王麟破阿台朶兒只伯白梧桐林徑亦集乃窮追五
百餘里至黑泉斬獲多論功封寧遠伯食祿千二百
石明年還朝又明年代貴鎮甘肅八年赤斤蒙古衛
都督且旺失加若也先暴橫欲移駐也洛卜剌禮以
其地近肅州執不許己而奏請建寺於其地禮復言
許其建寺彼必移居遣後患事竟寢時遣將家僮墾
塞上田者每頃輸糧十二石禮請於朝減二石再請

輕之復滅如前數當是時邊塞無警禮與巡撫曹翼
輩屯田積粟繕甲訓兵邊備甚固十一年沙州衛都
督喃哥兄弟乖爭部衆離貳禮欲乘其饑窘遷之內
地會喃哥亦請入居肅州境內禮因遣都指揮毛哈
剌往撫其衆而親率軍繼其後比至喃哥復持兩端
其部下欲奔瓦剌禮進兵逼之遂收其全部千二百
餘人以還事聞英宗大喜賜賚甚厚時也先方盛封
喃哥弟鎖南奔為和王禮以二寇合則勢益難制遣
人招之鎖南奔欲從未決禮潛師直抵罕東繫之以
歸遂賜禮鐵券令世襲十四年也先分道入寇抵肅

州禮遣裨將禦之再戰再敗亡失士馬以萬計徵還以伯純第景泰初起督三千營以老致仕久之復起守備南京入掌中府禮自起卒伍至大將恪謹守法未嘗有過成化初卒贈侯諡僖武子壽嗣總兵鎮陝西坐征播四失律論死宥戍邊卒子弘乞嗣不許與世指揮使

趙安狄道人從兄琦土指揮同知坐罪死安謫戍甘肅永樂元年進馬除臨兆百戶使西域從北征立功進都指揮同知宣德二年松潘番叛安克左叅將從總兵陳懷討平之進都督僉事四年使烏思藏明年

後以左叅將從史昭討曲先斬獲多九年中官宋成
等使烏思藏命安率兵千五百人送之畢力朮江尋
與侍郎徐晞出塞討阿台朶爾只伯收之鎮番正統
元年進都督同知克石副總兵協任禮鎮甘肅明年
與蔣貴出塞勦賊無功其冬與王驥任禮蔣貴分道
進師安至刁力溝生繫其首乃顏忽及奄克台等封
會川伯食祿千石安家臨洮姻黨廝養多為盜為副
使陳斌所奏在京州又多招無賴為僮奴擾民復為
御史孫毓按劾詔皆不問但勅安自新安勇敢有將
畧與貴禮並稱謫遣良將九年卒于英為指揮使立

功進督府同知卒子鉉嗣官

論曰明世文臣以武功致封爵者始自王驥驥之材
畧實冠一時惟是麓川之役一遣吏任之有餘耳而
驥呵中人之意以興大師耗費無紀為東南患若者
十餘歲君子於此不能無恨焉蔣貴任禮趙安竝噴
嗜健將皆從驥以就功名蓋自是武臣之氣寢衰矣